

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaata allanngortinneqarnissaanut Naalakkersuisut UKA15-imi allannguutissatut siunnersuuteqaqqullugit peqquneqarnissaannik Inatsisartut aalajangiiffigisassaattut siunnersuut, § 2 naapertorlugu partiinut tapiissutaasartut ersoqatigiinnerusumik agguataarneqarnissaat anguniarlugu, partiimut qinigaasumut tunngaviusumik tapiissutit 900.000 koruuninut annertusillugit, Inatsisartunullu ilaasortaaitamut ataatsimut tapiissutit 150.000 koruuninut annikillisillugit. Allannguut januaarip aallaqqaataani 2016-imi atuutilersinneqassaaq.

(Inatsisartunut ilaasortaq Justus Hansen, Demokraatit)

pillugu

Suleriaatsimut Ataatsimiititaliap

ISUMALIUTISSIISSUTAA

siunnersuutip aappassaaneernejarnissaanut saqqummiunneqartoq

Ataatsimiititaliap suliarinninnermini ilaasortarai:

Inatsisartunut ilaasortaq Lars-Emil Johansen, Siumut, siulittaasoq

Inatsisartunut ilasortaq Agathe Fontain, Inuit Ataqtigiit

Inatsisartunut ilaasortaq Juliane Henningsen, Inuit Ataqtigiit

Inatsisartunut ilaasortaq Justus Hansen, Demokraatit

Inatsisartunut ilaasortaq Nikolaj Jeremiassen, Siumut

Inatsisartunut ilaasortaq Steen Lyngge, Atassut

Inatsisartunut ilaasortaq Anthon Frederiksen, Partii Naleraq

Aallaqqaasiut

Siunnersuutit ulloq 28. april 2015 Inatsisartuni siullermeernejarninnermini Suleriaatsimut Ataatsimiititaliamut suliarineqartussanngortinneqarpoq. Isumaliutissiissutikkut matumuuna Inatsisartut aalajangiinissaminnut tunngavissaattut tapiliussatut itisiliissutitullu ataatsimiititaliap isumaliutai saqqummiunneqarput.

Siunnersuutip imarisai siunertaalu pingaarnerusut

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaata allanngortinneqarnissaannik siunnersuuteqaqqullugit Naalakkersuisut peqquneqarnissaat siunnersuutigineqarpoq, taamaalillunilu partiinut Inatsisartunut ilaasortaaitaqtartunut ukiumoortumik tunngaviusumik tapiissutit 2016-imiit 650.000 kr.-iniit

900.000 kr.-inut qaffallutik, peqatigitillugulu ilaasortamut ataatsimut ukiumoortumik tapiissutit 210.000 kr.-iniit 150.000 kr.-inut apparneqarlutik.

Siunnersuuteqartoq isumaqarpoq taamaaliornikkut partiinut tapiissutit massakkornit naapertuillu arnerusumik agguanneqartalissasut, peqatigisaanillu nutaamik aaqjissuussinikkut Nunatta Karsiata sipaaruteqassalluni.

Siunnersuutip Inatsisartuni siullermeerneqarnera

Siullermeerinninnermi partiit oqaaseqartuinit siunnersuut assigiinngitsunik isumaqarfigineqarpoq.

Demokraatit Atassutillu siunnersuut taperserpaat, siunnersuummi tunngavilersuutigineqartut innersuussutigalugit. Siumup, Inuit Ataqtigiiit aamma Partii Naleqqap siunnersuut tapersinngilaat.

Naalackersuisut akissuteqaateqanngillat.

Ataatsimiititaliap siunnersuummik suliarinninnera

Naalackersuinikkut sulinermut tapiissuteqartarneq pillugu inatsit atuuttoq 2001-imi akuersissutigineqarpoq. Taamanikkut inatsisaasoq malillugu partiit tamarmik ilaasortaataminnut ataatsimut ukiumut 100.000 kr.-inik tapiissutisisinnaatitaalerput. Taamanikkut tunngaviusumik tapiissuteqartoqarneq ajorpoq.

Naalackersuinikkullu suliniaqtigiiffinnut tapiissutit pillugit inatsimmi aalajangersakkat inatsisip 2001-imi akuersissutigineqarnerata kingorna arlaleriarlutik allanngortinneqartarput.

Naalackersuinikkut sulinermut aningaasatigut tapiissuteqartarneq pillugu Inatsisartut inatsisaata allanngortinneqarneranik kiisalu Inatsisartunut Naalackersuisunullu ilaasortat aningaasarsiaqartitaanerat il.il. pillugit Inatsisartut inatsisaata allanngortinneqarneranik Inatsisartut inatsisaat nr. 8, 1. juni 2006-imeersup akuersissutigineqarneratigut qinikkamut ataatsimut tapiissutit ukiumut 100.000 kr.-iniit 125.000 kr.-inut qaffanneqarput. Piffissaq tamanna iluatsillugu partiit tunngaviusumik tapiissutisisalerput ukiumut 300.000 kr.-inik. Taamatut tunngaviusumik tapiissuteqartalernerup siunertarisimavaa taamanikkut Inatsisartuusuni partiit ilaasortaataqartut tamarmik minnerpaamik partiimi siunnersortimik ataatsimik piffissaq tamaat sulisumik atorfinitsitsinissamut periarfissaqalernissaata qularnaarneqarnissaa. Siunnersuut taamaalilluni minnerunngitsumik partiinut mikinerusunut iluaqutaasimavoq.

Naalackersuinikkut sulinermut aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisaat nr. 16, 3. december 2009-meersup akuersissutigineqarneratigut qinikkamut ataatsimut tapiissutit ukiumut 125.000 kr.-

iniit 170.000 kr.-inut qaffanneqarput. Piffissaq tamanna iluatsillugu partiinut tunngaviusumik tapiissutaasartut ukiumut 300.000 kr.-iniit 650.000-inut qaffanneqarput. Taamanikkut inatsisip allangortinneqarneratigut siunertaasimavoq inatsisinik tunngaveqanngitsumik aningaasanik nalililinnik annertuumik partiit Inatsisartut Allattoqarfiannit tapersorsorneqartarnerisa partiinut namminernut nuunneqarnissaa. Taamanikkut tunngaviusumik tapiissutit annertuumik qaffanneqarnerat minnerunngitsumik partiinut mikinerusunut iluaqutaasimasutut isigineqarpoq.

Naalackersuinikkut sulinermut aningaasatigut tapiissuteqartarnej pillugu Inatsisartut inatsisaata allangortinneqarneranik Inatsisartut inatsisaat nr. 25, 18. november 2010-meersup akuersissutigineqarneratigut qinikkamut ataatsimut tapiissutit ukiumut 170.000 kr.-iniit 210.000 kr.-inut qaffanneqarput. Tunngaviusumik tapiissutit allangortinneqanngillat. Taamanikkut inatsimmik allangortitsinikkut siunertaavoq ilaasortat ataasiakkaarlutik paasisassarsiorlutik angalasarnerinut taamanikkut Inatsisartut atortarsimasaasa Inatsisartunit partiinut nuunneqarnissaat. Taamaalilluni inatsisissatut siunnersuut siunertaa eqqarsaatigalugu 2009-imi inatsimmik allanguinerup nangissutigaa, tassami naalackersuinikkut sulinermut tapiissutaasartut tamarmiusut piffissaq taanna ½ mio. kr.-ingajalluinnarnik qaffanneqarmata.

Taamaalilluni ullumikkut killiffik unaavoq partiinut Inatsisartuni ilaasortaataqartunut ukiumoortumik tunngaviusumik tapiissutit 650.000 kr.-iullutik ilaasortamullu ataatsimut tapisisutit ukiumut 210.000 kr.-iullutik.

Takuneqarsinnaasutut qinikkamut ataatsimut tapiissutit partiinullu tunngaviusumik tapiissutit 2001-ip kingorna annertuumik qaffanneqarsimapput. Taamaalilluni partiinut mikinerusunut iluaqutaasumik suliassa qarfirmilu nalinginnaasumik sipaaruteqarnissaq siunertaralugu tapiissutinik nutaamik agguataarinissaq pisariaqartitsisoqarnerisooq naalackersuinikkut apeqqutaavoq.

Ataatsimiititaliilli isumaqatigaa ullumikkut aningaasaqarniarnikkut pissutsit imatut isikkoqartillugit sipaarniuteqarnissaq akuersissutigineqarsimalluni, pissusissamisuussanngitsoq partiinut tapiissutit nalinginnaasumik *qaffanneqassagalarpata.*

Siunnersuutip aningaasatigut kingunerisassai

Ullumikkut Inatsisartuni ilaasortat partiinut agguataarneqarsimanerat malillugu partiinut ukiumoortumik tapiissutaasartut ima isikkoqarput:

Siumut:	2.960.000 kr.
Inuit Ataqaatigiit:	2.960.000 kr.
Demokraatit:	1.490.000 kr.
Partii Naleraq:	1.280.000 kr.
Atassut:	1.070.000 kr.

Siunnersuut taamatut isikkoqarluni akuersissutigineqassagaluarpat partiinut ataasiakkaanut ukiumut tapiissutaasartut tamarmiusut ima ikinnerulerlutilluunniit amerleriassapput:

Siumut: 410.000 kr.-inik *ikinnerusunik*.
Inuit Ataqtigiit: 410.000 kr.-inik *ikinnerusunik*.
Demokraatit: 10.000 kr.-inik *amerlanerusunik*.
Partii Naleraq: 70.000 kr.-inik *amerlanerusunik*.
Atassut: 130.000 kr.-inik *amerlanerusunik*.

Taamaalilluni siunnersuut Nunatta Karsiata ukiumut 610.000 kr.-inik sipaagaqarneranik malitseqassaaq.

Ataatsimiititaliap inassuteqaatai

Ataatsimiititaliami amerlanerussuteqartut Siumup, Inuit Ataqtigiit aamma Partii

Naleqqap sinniisaasa siunnersuut pillugu oqaatigissavaat:

Naalackersuinikkut sulinermut tapiissutit piffissami 2001-ip kingorna nalinginnaasumik qaffanneqartarsimapput minnerunngitsumik Inatsisartuni partiinut mikinnerusunut iluaqutaasumik. Taamaalilluni tapiissutit agguataarneqarsimanerat atuuttoq naapertuuttut isigineqarpoq, tamatumani partiit angissusii tunngaviumillu aningaasartuutit, partiinut tamanut – angisuunut mikisunullu – atuuttut naapertuuttumik isiginiarneqarsimammata.

Ataatsimiititaliami amerlanerussuteqartut qulaani taaneqartut tamanna tunngavigalugu siunnersuutip **itigartinneqarnissaa inassutigaat.**

Ataatsimiititaliami ikinnerussuteqartut Demokraatit Atassutillu sinniisaasa siunnersuut pillugu oqaatigissavaat:

Ataatsimiititaliami ikinnerussuteqartut isumaqarput tunngaviumik tapiissutit eqqarsaatigalugit ullumikkornit annerusumik partiit mikinnerusunut isiginiarneqartariaqartut, tassami partiit allatseqarnerinut, oqaaserisassat nutsertinneqarnerinut il.il. tunngaviumik aningaasartuutit partiinut tamanut – angisuunut mikisunullu – assigiimmata.

Ikinnerussuteqartut tamatuma saniatigut isumaqarput Nunatta Karsiata sipaaruteqarnissaa siunnersuutip akuerineqaruni malitsigisassaa pissusissamisoortoq – minnerunngitsumik massakkut Nunatta Karsiata aningaasaqarniarnikkut annertuunik qaangerniagassaqarfiani.

Ataatsimiititaliami ikinnerussuteqartut qulaani taaneqartut tamanna tunngavigalugu siunnersuutip **akuerineqarnissaa inassutigaat.**

Taamatut oqaaseqarluni isumaliutissiissummilu taaneqartutut paasinnilluni,
isumaliutissiissummilu aallaaviit nalorngissutillu tunngavigalugit, ataatsimiititaliap
matumuuna siunnersuut aappassaaniigassanngortippaa.

(Siulittaasoq)
